

DESAGERTUTAKO ARRANTZALEEN SENIDEEI LAGUNTZEA IZANGO DA LEHENTASUNA

Etzitik aurrera 'Marero' aurkitzeko lanek ez dute lehentasunik izango

■ Pasaiaiko Arrantzale

Kofradiako lehendakariak ostegunean eman zuen erabakiaren berri

■ Itsasoan jazotako

hondamenak «lehorrean» utziko dituen ondorioak arindu nahi dituzte orain

■ Ahaleginak egingo dituzte

familiek ahalik eta lasterren jaso ditzaten kalte-galeren ordainketak

Erredakzioa / Donostia

OSTEGUNEAN Pasaiaiko Arrantzale Kofradiako lehendakari Jaime Tejedorrek adizera eman zuenez, astelehenetik aurrera *Marero* itsasontzia bilatzeko lanak ez dira izango lehentasun biziko egitekoa, eta «bigarren mailara» igaroko dira. Izan ere, orain arteko bilaketa lanen emaitza ezkorra izan da, eta etsipena nagusitu da. Horregatik, orain zeregin itzela ikusten dute etxean bertan, galdutako senitarteko asko premia gorrian aurkituko baitira.

Itsasoan jazotako hondamendi handia ez dutela lehorrean areagotzea nahi esan zuen Jaime Tejedorrek eta ahal den neurrian, samintasunez betetako uneotan, lagundu egingo dietela desagertutako senideei. «Orain arteko lanik handiena itsasoan zegoen», esan zuen Tejedorrek. Orain, berriz, «lehentasuna» lehorrean geratu diren senideei laguntzea da. Izan ere, legearen arabera, galdutako senideek hainbat urtez itxaron behar izaten dute bizi-aseguruak kobratzeko. Epe luze hori murrizteko ahaleginak egingo dituztela esan zuen Jaime Tejedorrek, eta horren alde urratsak egiteko prest azaldu dira Eusko Jaurlaritzako



EDURNE KOCH

Marero arrantzontzia galtzeak tristura ekarri du Pasaiaiko portura.

Arrantza kontseilari Javier Retegi eta Espainiako Gobernuko Arrantza ministro Loyola de Palacio ere. Horretarako, galdutakoak ofizialki hildakotzat emateko legea moldatuko dutela esan zuten.

Egun hauetan, halaber, desagertutako zortzi marinelen senitartekoei eman beharreko kalte-ordainak lehenbailehen emateko borondatea azaldu du La

Fraternidad istripu mutualitateak.

Gaur eta bihar ere, bilaketa lanak

Oraindik ez dituzte, hala ere, bertan behera utzi desagertutako arrantzontziaren bilaketa lanak —Loyola de Palacio lanean segituko dutela esan zien senideei—. Atzo bi helikoptero ibili ziren Bizkai-ko Golkoko bazterrek araka-

tzen, eta itsasontzi batek ere miatu zituen itsaso zabaleko hainbat toki. Ilunabarrak ez zuen emaitza baikorrik ekarri, ordea.

Gogora ekarri behar da abenduaren 17an joan zirela arrantza egitera *Marero*-ko arrantzaleak eta hilaren 19an lortu zutela kofradiako kideek haiekin hitz egitea azkenengoz. Hilaren 20an, berriz, ekaitz latza lehertu zen haiek zeuden tokian.

Gobernuak dio telefono gidek kalte egiten diotela Nafarroaren nortasun irudiari

■ *Soilik 'Nafarroa' izena zekartenak erretiratu ezik, neurri legalak hartzeko prest azaldu da*

Erredakzioa/Iruñea

NAFARROAREN izena soilik euskaraz zekarten Telefonikako gidak banatzea legediaren «hauste gori-goria» da, eta «kalte» egiten dio lurralde honetako nortasun-irudiari, Nafarroako Gobernuaren ustetan. Joan den urteko azken bilkuran, UPNko gobernu-bilkurak berretsi egin zituen afera honen inguruan Herrilan, Garraio eta Komunikazio kontseilari Jose Ignacio Palaciosen enpresaren aurrean eginiko gestioak, eta gida guztiak erretiratu ezean eginbide legalak hasiko zituela ohartarazi zion Telefonikari.

Gogoratuko denez, azalean soilik Nafarroa izena —erdarazko baliokiderik gabe— zekarten telefono gidak hasi zen banatzen Telefonica enpresa Lizarrerrian, eta horrek UPNko zinegotzien eta goi kargudunen protesta ekarri zuen. Palacios kontseilariak gutun bat idatzi zion Telefonikako presidenteari, esanez gidaren banaketa Nafarroaren errealitatearen aurkakoa zela. Orduan, Telefonikak gidak erretiratzea erabaki zuen.

Nafarroako Gobernuak, asteazkeneko bilkuran, akordioa hartu zuen gogoratzeko gaztelania dela Nafarroako hizkuntza ofiziala eta premiatzeko telefono konpainia Foru Erkidegoaren izena gaztelaniaz, edo gaztelaniaz eta euskaraz ager dezan.

Udal taldeak agendak itzuli ditu

Iruñeko UPNko udal taldeak, bestalde, itzuli egin ditu Udalak berak argitaratutako agenda ofizialak, egunen eta hilen izenetan euskarazko hizkiak erdarazkoak baino «handixea-goak» direlako. Talde horretako bozeramaile Eladio Ezpeletak herenegun jakinarazi zion erabakia alkateari, gutun baten bidez.

Aurki hasiko dira Getaria-Zumaia errepedea konpontzen

■ *Obrak jada adjudikatu ditu Gipuzkoako Foru Aldundiak, «premiatzko» konponketatzat baitute hori*

Erredakzioa / Donostia

BESTE URRATS BAT egin dute Gipuzkoako Foru Aldundiko ordezkariak Getaria eta Zumaia lotzen dituen kostako errepedea lehenbailehen konpontzeko, obrak jadanik adjudikatu baitituzte —Construcciones Moyua enpresari emango dizkiote— eta aurki lanean hasiko direla iragarri baitute. Obrak hasi eta han-

dik bost hilabetera —ekain aldera— errepedea konponduta egongo dela esan dute.

Gogora ekarri behar da abenduaren 1ean aipatu errepedearen zati handi bat amildu egin zela eta ordudunik itxirik dagoela. Inguru horretako bizilagunei eragozpen ugari sortzen dizkie errepedea itxita egoteak, ez baitute alternatiba argirik. Batetik, A-8 autobidea dute —bidesaria

ordaindu behar da— eta, bestetik, Meagako gaina, gidariei makina bat neke eragiten dien errepede bihurria.

Konponketak egiteko aurrekontua 182 milioikoa izango da. Errepidea hondatu bezain pronto, Gipuzkoako Foru Aldundiak azterketa geotekniko bat eskatu zuen, eta bertan zehaztu ziren egin beharreko konponketa nagusiak. Hala, batetik, harri-lu-

beta handi bat —ehun metro zabal eta sei metro luze— erakiko da bertan, eta horma handi bat ere bai.

Bestela ere errepede horretan konponketa lanak egingo dira ugari —ehun milioi inguru— erabiltzen dutela esan dute Gipuzkoako Foru Aldundiko ordezkariak, itsaso ertz-ertzean baitago eta lubiziak eta antzekoak ugariak izaten baitira.